

港東港西

►李卓人將同太太鄧燕娥聯名持有嘅美孚新邨一期單位（紅框示）賣咗，市傳作價一千萬元，低於市價約一成。

大公報調查組攝



李卓人平100萬急賣樓 市民：係咪想走佬？

園海雙景、景觀開揚，三房間隔美孚新邨單位，竟以低於市價約10%急急出手？攞炒派政客李卓人突然「賤賣」同太太共同持有嘅物業，令市民「耐人尋味」，質疑他是否準備「走佬」。對此，團體香港政研會強烈要求警隊國安處、稅務局徹查事件。

一個位於美孚新邨一期百老匯街5號低層嘅B室單位，實用面積827平方呎。土地註冊處資料顯示，2006年底李卓人同太太鄧燕娥聯名，以約332萬元購入該物業。目前呢個單位市傳作價1000萬元售出，呎價約12092

元。值得注意嘅係，據銀行對上址嘅網上估值介乎1050萬至1107萬元之間，意味住若成交價落實係1000萬元，即係比市價低咗約5%至10%。

李卓人回覆傳媒查詢時，承認已經沽出美孚新邨單位，但就無

透露售價。「賣樓是因為看淡後市，眼見唔少人已經移民，對後市冇信心，趁個價OK咪賣咗佢囉。」他仲話，手上已無其他物業，目前決定租樓住，但尚未落實租住地點。

同許智峯一樣話「唔會離港」

「唔會移民，唔會離開香港。」李卓人對住媒體煞有介事咁講，同當日許智峯潛逃丹麥初期大大聲話自己一定會返香港一樣，聽落似曾相識。有市民睇網上揶揄：「阿婆走得快，一定有古怪。」李卓人最終有無講大話，鄭晴同一眾市民拭目以待。



▲官司纏身嘅李卓人，聲稱賣樓純粹係經濟決定。

滙豐CEO親函許智峯 優待攞炒派？

籲外國制裁滙豐云云。

前金融界立法會議員吳亮星同鄭晴講，滙豐係係香港註冊嘅銀行，當銀行收到警察通知，一定要按照法律辦事。香港金融業蓬勃，全賴各個商業機構恪守法律。一個唔守法嘅人，呼籲其他金融機構唔守法，係一件好荒唐嘅事。

今次滙豐出動CEO回覆逃犯嘅信，鄭晴就覺得有啲小題大做了。鄭晴都有同事曾經昇滙豐取消咗信用卡，致電同親自去銀行搞咗好多多次都無得到任何回覆，但許智峯呢個逃犯，居然由CEO親自回信，係咪攞炒派有特別優待呢？



▲潛逃英國嘅許智峯身負至少九宗控罪。圖為他去年11月被警員上門拘捕。

「黃絲」入境英國 大呻被種族歧視

「尋晚入境，直情覺得在警局被盤問一樣，寸到爆！」有「黃絲」在社交媒體大吐苦水，聲稱經英國倫敦希斯路機場轉機去曼城之際，遭到嚟自當地黑人海關工作人員「完全係種族歧視」嘅極度不友好對待。

該「黃絲」仲話，一家人入境英國倫敦時，畀工作人員炮話連珠咁發問：入境前僅僅預定兩周airbnb，之後要住哪兒？是不是已經賣咗香港寓所，六個月內唔會返香港？太太何時辭職，之前工作嘅公司係香港公司定外國公司？距離第二日早上轉機還有很長時間，晚上住喺邊度呢？帶住18歲以下嘅孩子，要確保孩子安全啊，為人父母難道不應該負責任嗎？「黃絲」形容發問嘅黑人女性「塊面黑到爆」，不斷強調「我未講完唔好出聲」，還話「你哋幾十萬人湧入，我哋國家唔可以消化」……

針對華人劫案盜竊飆升


聽完呢個「黃絲」嘅英國機場經歷，有市民睇網上留言話：「完全係種族歧視。」有人就話：「佢哋在英國都算係外來人口，理應有同情心。」亦有市民直指：「（黃絲）去到先至發覺無論白人定黑人，都視佢哋為食物鏈嘅最底層，係唔係好失落。」

鄭晴嘅一位朋友曾經透露，2015年至2019年間，曼城當地針對華人嘅打劫、入屋盜竊罪案數字飆升，作案者多數係黑人、嚟自東歐嘅移民等。鄭晴想勸嗰啲一時衝動下想移民嘅港人，認真思考吓，如此山長水遠奔波，面對嘅或者係充滿未知數嘅前景，究竟值唔值得呢？



「毒果」年關前炒人 員工鬧爆無情義

壹傳媒創辦人黎智英入獄後，外界都關注壹傳媒嘅營運狀況。鄭晴聽聞，壹傳媒旗下嘅《蘋果日報》突然炒咗主管突發新聞嘅阿頭，據稱理由係黃國桐被捕無做直播。事件引發內部諸多不滿，有人抱怨「過年前話炒就炒，一啲情義都無」。另外，《蘋果》動新聞最近都有資深員工遞信離職，據了解係有人想移民英國。消息話，而家壹傳媒唔少人心灰意冷，唔排除年後有更多



蔡英文賺足政治紅利 五逃犯用完即棄

上年七月有五個香港逃犯偷渡去台灣，當中包括干犯暴動等四項罪名嘅24歲吳仲謙，同埋2019年衝入立法會嘅21歲學生文家健。台灣當局一直絕口不提五人嘅下落，直至亂港組織HKDC日前發表聲明，聲稱五名逃犯已轉到美國尋求政治庇護。台灣陸委會前日回應傳媒查詢時，聲稱針對外界傳聞嘅個案，沒有任何評論，尋日仍然絕口不提有關事件。

台灣地區領導人蔡英文唔係高呼支持「黑暴」手足嗎？點解唔收留黑暴分子呢？全國港澳研究會副會長劉兆佳分析話，蔡英文已經因為香港黑暴坐收政治紅利，黑暴分子已經無晒利用價值，再聯繫只會自找麻煩。他又話，唔相信蔡英文會設立難民法。

暴徒從來都係被用完即棄，以為台灣會真心收留黑暴分子嗎？唔好太天真啦！到最後佢哋只會淪為燙手山芋，無人敢接手。

張建宗：擁護基本法是公務員基本責任

【大公報訊】政務司司長張建宗昨日發表網誌表示，擁護基本法、效忠香港特區、盡忠職守和對香港特區政府負責，是基本法和《公務員守則》下公務員的一貫責任，也是政府和社會對他們的一貫期望和要求，所有公務員均須明確知悉並接納這些基本責任。

張建宗亦表示，公務員宣誓或簽署聲明，是對其須背負的責任和期望的公開確認和真切體現，並且讓他們更明

確地意識到其公職身份所帶來的責任、承擔和要求，有助進一步保護、鞏固和推廣公務員隊伍應恪守的核心價值，並確保特區政府能有效管治。

張建宗強調，公務員是特區政府管治團隊的重要組成部分，絕對有責任擁護基本法和落實「一國兩制」。公務員宣誓或簽署聲明不單是短短誓詞或一紙文書，實則具有重大標誌意義。這集體展示了公務員隊伍擁護基本法和效忠香港特區的忠誠和承擔，

有效加強公務員在這方面的意識，進一步明確了責任和要求，並具體地彰顯出來。

日前，公務員事務局局長聶德權於社交網站上傳了一條影片解釋公務員宣誓的內容及原因。影片由聶德權與常任秘書長楊何蓓茵一同拍攝。聶德權在片中介紹了誓言聲明的內容，楊何蓓茵解釋其重點為：擁護基本法；效忠香港特別行政區；盡忠職守、對香港特區政府負責。

聶德權和楊何蓓茵在影片中表示，宣誓或簽署聲明不會影響公務員的公民權利。公務員和市民一樣享有言論自由、和平集會、自由結社等權利。但和其他司法管轄區一樣，這些權利並非絕對，任何人行使有關權利時都要兼顧國家安全、社會安寧、公共秩序，公務員行使相關權利時亦都符合公務員身份所帶來的責任和要求。此外，誓言或聲明不會影響公務員在履行工作中提出意見的責任。



▲張建宗強調宣誓或簽署聲明，進一步明確了公務員擁護基本法和效忠香港特區的忠誠和承擔，意義重大。